

MALAYSIA
DEWAN RAKYAT
ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI SELASA, 9 JUN 2015, PUKUL 10.00 PAGI

Bil. 30

PERTANYAAN-PERTANYAAN BAGI JAWAB LISAN

1. PR-1332-L67795
Dato' Ahmad Fauzi bin Zahari [Setiawangsa] minta **MENTERI DALAM NEGERI** menyatakan sehingga suku tahun pertama 2015, berapakah jumlah saman trafik yang tertunggak dan berapakah waran tangkap yang telah dikeluarkan kepada pesalah-pesalah trafik.
2. PR-1332-L68237
Tuan Sim Chee Keong [Bukit Mertajam] minta **MENTERI PENDIDIKAN** menyatakan jumlah pinjaman pendidikan, bayaran balik dan faedah, upah dan lain-lain bayaran mengikut pecahan kategori yang dibayar kepada PTPTN dari 2001 hingga 2014. Nyatakan jumlah pelajar disenarai hitamkan oleh badan tersebut dalam tempoh yang sama.
3. PR-1332-L67932
Datuk Wee Jeck Seng [Tanjong Piai] minta **PERDANA MENTERI** menyatakan apakah perancangan Kerajaan terhadap status pekerja awam kontrak di setiap Kementerian.
4. PR-1332-L68030
Dato' Mohd Ariff Sabri bin Abdul Aziz [Raub] minta **MENTERI KEWANGAN** menyatakan :-
 - (a) berapa banyakkah syarikat bumiputera yang telah mendapat pinjaman dari Syarikat Pembinaan PFI Sdn. Bhd. (PPFI); dan
 - (b) apakah kadar faedah yang dikenakan oleh EPF dan KWAP ke atas pinjaman yang diberikan kepada Pembinaan Private Finance Initiative (PPFI).

5. PR-1332-L69473
Dato' Abdul Manan bin Ismail [Paya Besar] minta **MENTERI DALAM NEGERI** menyatakan keberkesanan Rang Undang-Undang Pencegahan Keganasan (POTA) 2015 dalam mengekang ancaman keganasan seperti kumpulan militan Negara Islam (IS) selepas diluluskan Parlimen Malaysia dalam Mesyuarat Pertama Penggal Ketiga Parlimen Ke-13 yang lalu.
6. PR-1332-L68126
Tuan Tan Kok Wai [Cheras] minta **MENTERI TENAGA, TEKNOLOGI HIJAU DAN AIR** menyatakan strategi dan pendekatan yang diambil di masa hadapan bagi pemuliharaan dan pengeluaran air dalam persiapan menghadapi krisis air mengambil kira masalah pemanasan global dan perubahan suhu serta permintaan yang semakin meningkat ke atas air bersih.
7. PR-1332-L68551
Datuk Ahmad Jazlan bin Yaakub [Machang] minta **PERDANA MENTERI** menyatakan :-
 - (a) berapa banyak rumah yang telah dibina oleh Kerajaan Persekutuan terhadap mangsa-mangsa yang terjejas akibat banjir pada tempoh hari; dan
 - (b) berapakah jumlah keseluruhan mangsa banjir yang musnah tempat tinggal ekoran daripada bencana banjir tersebut.
8. PR-1332-L68329
Tuan Shamsul Iskandar bin Mohd Akin [Bukit Katil] minta **MENTERI PENDIDIKAN** menyatakan :-
 - (a) apakah bentuk penambahbaikan sistem Pentaksiran Berasaskan Sekolah (PBS) yang dibuat setelah Kementerian menangguhkan pelaksanaan PBS pada 11 Februari 2014 setelah tiga tahun dilaksanakan; dan
 - (b) bagaimanakah prestasi semasa pelajar-pelajar yang telah melalui sistem PBS ini yang bermula dari tahun 2011 dan adakah Kementerian ingin menutup kelemahan dalam pelaksanaan sistem ini dengan cara menamatkan perkhidmatan seorang guru yang lantang menegur Kementerian mengenai sistem PBS.
9. PR-1332-L69396
Tuan Haji Mohd Fasiah bin Haji Mohd Fakeh [Sabak Bernam] minta **PERDANA MENTERI** menyatakan sejauh manakah cadangan untuk membina loji nuklear bagi menjana tenaga elektrik di negara ini akan dilaksanakan dan setakat manakah pengiktirafan dan keyakinan kepada kepakaran Agensi Nuklear Malaysia dalam membangunkan program tenaga nuklear di negara ini termasuklah dari segi pendidikan dan latihan bagi pembangunan tenaga manusia serta penyelidikan dan pembangunan (R&D).

10. PR-1332-L68768
Dr. Tan Seng Giaw [Kepong] minta **MENTERI WILAYAH PERSEKUTUAN** menyatakan projek dan pengurusan untuk lalu lintas di Kuala Lumpur dan sekitarnya.
11. PR-1332-L68501
Ir. Shaharuddin bin Ismail [Kangar] minta **MENTERI PENDIDIKAN** menyatakan :-
 - (a) jumlah bayaran yuran sekolah yang telah dimansuhkan bayarannya di semua sekolah di bawah Kementerian; dan
 - (b) adakah cadangan untuk menetapkan secara tetap bayaran lain seperti pembelian buku kerja, barang keperluan asas pelajar seperti baju sukan, seluar, tali leher serta sumbangan PIBG yang juga tinggi bayarannya dan adakah Kementerian akan mengkaji semula kadar pemberian Bantuan Persekolahan agar dapat dinaikkan lagi supaya membantu meringankan golongan bawahan serta pertengahan di negara ini.
12. PR-1332-L68794
Tuan Wong Tien Fatt @ Wong Nyuk Foh [Sandakan] minta **MENTERI PENDIDIKAN** menyatakan adakah Kementerian merancang untuk mengadakan tempat jagaan kanak-kanak demi kemudahan guru-guru yang mempunyai anak-anak di setiap sekolah supaya anak mereka boleh dijaga dan dibela di bawah pusat tersebut ketika ibu bapa sedang mengajar di sekolah.
13. PR-1332-L69448
Dato Sri Dr. Muhammad Leo Michael Toyad Abdullah [Mukah] minta **MENTERI DALAM NEGERI** menyatakan rancangan untuk membina sebuah Balai Polis Daerah Oya di Bahagian Mukah, Sarawak kerana tapak tanah sudah disediakan.
14. PR-1332-L68010
Tuan V. Sivakumar [Batu Gajah] minta **MENTERI PENDIDIKAN** menyatakan keberkesanan Pendidikan Khas di negara kita berbanding dengan negara-negara yang maju. Adakah Kerajaan bercadang untuk menggunakan pendekatan pengajaran secara inklusif bagi anak-anak yang mengikuti Pendidikan Khas ini.
15. PR-1332-L68012
Tuan Masir Kujat [Sri Aman] minta **MENTERI KEWANGAN** menyatakan apakah prestasi pelaksanaan GST secara keseluruhan selepas sebulan ianya dilaksanakan pada April 2015.

16. PR-1332-L67971
Tuan Teo Kok Seong [Rasah] minta **MENTERI DALAM NEGERI** menyatakan :-
- (a) statistik indeks jenayah sejak tahun 2008-2015 berdasarkan negeri; dan
 - (b) usaha atau langkah yang telah dan akan diambil oleh pihak Kerajaan untuk membanteras jenayah yang semakin membimbangkan.
17. PR-1332-L67801
Dato' Othman bin Aziz [Jerlun] minta **MENTERI DALAM NEGERI** menyatakan tindakan proaktif yang telah dirangka oleh Kementerian dengan kerjasama Kementerian Komunikasi dan Multimedia bagi mengekang penularan fahaman IS melalui media sosial yang semakin serius sejak kebelakangan ini.
18. PR-1332-L69197
Dato' Fauzi bin Abdul Rahman [Indera Mahkota] minta **MENTERI PENDIDIKAN** menyatakan apakah Kerajaan bersedia menerima pandangan untuk diperkukuhkan Dasar dan Sistem Pendidikan Negara agar ianya lebih relevan dan lebih bermakna dalam menjana masa depan rakyat yang lebih cemerlang dunia akhirat. Diakui ada kejayaan di atas Dasar Pendidikan kini, namun dirasakan ianya perlu dinamik, sejajar dengan dinamik sains, teknologi dan budaya.
19. PR-1332-L67630
Dato' Wira Othman bin Abdul [Pendang] minta **MENTERI KEWANGAN** menyatakan mengapa terdapat cukai GST dalam transaksi akaun peribadi pelanggan sesebuah bank. Apa rasional Kerajaan mengenakan cukai GST dalam transaksi ini.
20. PR-1332-L68415
Tuan Wong Sze Phin @ Jimmy [Kota Kinabalu] minta **MENTERI DALAM NEGERI** menyatakan terperinci terhadap pengharaman buku Peter Mojuntin "The Golden Son Of Kadazandusun" dan bila Kementerian akan menarik balik pengharaman buku ini.
21. PR-1332-L67647
Datuk Haji Shabudin bin Yahaya [Tasek Gelugor] minta **PERDANA MENTERI** menyatakan apakah pendirian Kerajaan dalam menangani tindakan pihak tertentu yang menyalahgunakan hak kebebasan bersuara yang boleh menggoyahkan perpaduan masyarakat dan agama di negara ini.

22. PR-1332-L69425
Tuan Manivanan a/l Gowindasamy [Kapar] minta **MENTERI KERJA RAYA** menyatakan :-
- (a) apakah Kerajaan Persekutuan dan Kementerian tidak berhasrat untuk menyokong permohonan tanah bagi pembinaan kuil di atas Lot 5151, Jalan Tambahan, Seksyen 7, JKR Quarters, Pekan Meru, Mukim Kapar, Selangor setelah mengetahui bahawa kewujudan kuil tersebut hampir 110 tahun dan kuil tersebut telah didaftar dengan Pejabat Pendaftaran Pertubuhan pada 2 Mei 1978; dan
 - (b) apakah rasional Kerajaan Persekutuan dan Kementerian untuk menolak sesuatu permohonan pembinaan Rumah Ibadat Bukan Islam seperti Kuil dengan hanya memberi alasan bahawa kawasan tersebut akan digunakan sebagai tempat simpanan barangan dan stockyard.
23. PR-1332-L68568
Dato' Seri Reezal Merican bin Naina Merican [Kepala Batas] minta **PERDANA MENTERI** menyatakan apakah bidang-bidang tumpuan yang akan diberikan pengkhususan dalam Rancangan Malaysia ke-11 nanti. Apakah RMK-11 ini turut mengambil kira kelemahan dan kegagalan RMK yang sebelum ini (sekiranya ada).
24. PR-1332-L67874
Dr. Michael Jeyakumar Devaraj [Sungai Siput] minta **PERDANA MENTERI** menyatakan pendapatan bulanan isi rumah di kawasan Sg. Siput (U), Perak dengan memberi bilangan keluarga dengan pendapatan bulanan di bawah RM1000, di antara RM1001-2000, di antara RM2001-3000, di antara RM3001-5000 dan RM5001 ke atas, mengikut pecahan etnik.
25. PR-1332-L68086
Dato' Sri Azalina binti Dato' Othman Said [Pengerang] minta **PERDANA MENTERI** menyatakan berapakah bilangan permohonan Perintah Perlindungan Interim (IPO) yang diterima oleh Mahkamah Majistret di seluruh negara untuk setiap bulan dari 1 Januari 2010 hingga kini, mengikut pecahan negeri, serta berapakah bilangan yang telah diluluskan dan ditolak.
26. PR-1332-L69308
Tuan Nik Mohamad Abduh bin Nik Abdul Aziz [Pasir Mas] minta **MENTERI KOMUNIKASI DAN MULTIMEDIA** menyatakan langkah-langkah membendung aktiviti berbaur hasutan dan penghinaan terhadap agama yang berlaku melalui media-media sosial.
27. PR-1332-L68613
Dr. Mansor bin Abd Rahman [Sik] minta **MENTERI BELIA DAN SUKAN** menyatakan adakah Kementerian mempunyai rancangan untuk mengadakan gym rakyat di setiap Parlimen dan berapakah jumlah bajet yang diberikan setiap tahun untuk membina, membaiki dan membeli peralatan dan mesin baru untuk gym rakyat.

28. PR-1332-L69243
Dato' Kamarudin bin Jaffar [Tumpat] minta **MENTERI PENGANGKUTAN** menyatakan berapakah masa perjalanan terpantas keretapi di laluan-laluan berikut iaitu KI-Alor Setar, KL-JB dan KL-Tumpat.
29. PR-1332-L69001
Tuan Haji Hasbi bin Haji Habibollah [Limbang] minta **MENTERI KERJA RAYA** menyatakan sejauh manakah "quality assurance" yang telah dibuat untuk penaiktarafan Jalan Persekutuan yang sedang dilaksanakan di bawah peruntukan sebanyak RM70 juta pada tahun lepas di Limbang.
30. PR-1332-L67847
Puan Alice Lau Kiong Yieng [Lanang] minta **MENTERI KESIHATAN** menyatakan :-
- (a) bilangan doktor pakar, doktor (HO dan MO) dan jururawat di Pusat Jantung Hospital Umum Sarawak di Kota Samarahan; dan
 - (b) bilangan aduan yang diterima tentang Pusat Jantung tersebut sejak ia ditubuhkan dan langkah-langkah yang telah dan akan diambil untuk menambahbaik perkhidmatan yang sedia ada.
31. PR-1332-L69466
Datuk Raime bin Unggi [Tenom] minta **MENTERI PENGANGKUTAN** menyatakan apakah usaha pihak Kementerian dalam memantapkan peranan JPJ agar dapat memberi khidmat yang lebih berkesan kepada masyarakat di pedalaman Sabah.
32. PR-1332-L68534
Raja Dato' Kamarul Bahrin Shah [Kuala Terengganu] minta **MENTERI KEWANGAN** menyatakan apakah badan syarikat pelaburan yang telah ditubuhkan oleh Kerajaan Malaysia yang setanding dan menyerupai dengan Norwegian Sovereign Fund bagi pelaburan masa depan dari hasil minyak negara.
33. PR-1332-L67820
Datuk Sapawi bin Ahmad Wasali [Sipitang] minta **PERDANA MENTERI** menyatakan apakah langkah diambil oleh Malaysia bagi menambahkan kuota haji dari negara ini, untuk membolehkan lebih ramai umat Islam ke Tanah Suci.
34. PR-1332-L68461
Dr. Hajah Siti Mariah binti Mahmud [Kota Raja] minta **PERDANA MENTERI** menyatakan sama ada Kerajaan akan menyemak semula gaji kakitangan awam terutamanya kakitangan peringkat rendah.

35. PR-1332-L69073
Datuk Bung Moktar bin Radin [Kinabatangan] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan sejauh manakah kejayaan Skim Perumahan Mampu Milik Swasta (MyHome) dalam membantu Kerajaan mengatasi kekurangan perumahan mampu milik dalam bandar dan apakah perancangan pihak Kementerian pada masa akan datang.
36. PR-1332-L69260
Tuan Idris bin Haji Ahmad [Bukit Gantang] minta **MENTERI PENDIDIKAN** menyatakan di zaman Tun Abdullah Badwi, Program JQAF (Jawi, Quran, Arab dan Fardu Ain) ada membuat cadangan sehingga ke Sekolah Menengah, adakah pihak Kementerian masih mempunyai rancangan untuk melaksanakan cadangan tersebut.
37. PR-1332-L68379
Datuk Liang Teck Meng [Simpang Renggam] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan apakah mekanisme yang diambil oleh Kementerian dalam memastikan pengurusan sisa pepejal bagi negeri yang tertakluk di bawah Akta 672 boleh diaplikasikan dengan sebaiknya oleh pengguna mulai September ini. Adakah terdapat sebarang cadangan untuk mewajibkan penguatkuasaan Akta 672 oleh negeri yang pada masa ini tidak tertakluk kepada akta ini.
38. PR-1332-L69241
Dato' Seri Abdul Hadi bin Awang [Marang] minta **PERDANA MENTERI** menyatakan apakah usaha Kerajaan untuk menyelesaikan pertindihan kuasa antara Mahkamah Sivil dan Mahkamah Syariah agar undang-undang Islam tidak dibatalkan dengan sewenang-wenangnya.
39. PR-1332-L69213
Tuan Ahmad Baihaki bin Atiqullah [Kubang Kerian] minta **PERDANA MENTERI** menyatakan setelah 5 bulan dilanda banjir besar yang memusnahkan lebih dua ribu buah rumah, setakat bulan Mei 2015 ini, berapa buah rumah kekal yang telah dibina oleh Kerajaan untuk membantu mangsa-mangsa tersebut di Negeri Kelantan, serta berapa pula jumlah peruntukan yang telah disalurkan.
40. PR-1332-L67600
Dato' Takiyuddin bin Hassan [Kota Bharu] minta **PERDANA MENTERI** menyatakan apakah kriteria kes-kes mahkamah yang mana Peguam Negara melantik Pendakwa Raya daripada luar jabatan berkenaan.
41. PR-1332-L68980
Tuan Anuar bin Abd. Manap [Sekijang] minta **MENTERI KOMUNIKASI DAN MULTIMEDIA** menyatakan :-
- (a) berapakah jumlah aduan diterima terhadap syarikat penyedia jalur lebar berkenaan khidmat yang disediakan; dan

- (b) apakah tindakan SKMM dalam memantau serta mengambil tindakan terhadap aduan kepada syarikat penyedia jalur lebar.
42. PR-1332-L69265
Tuan Haji Khalid bin Abdul Samad [Shah Alam] minta **MENTERI PENGANGKUTAN** menyatakan :-
- (a) bagaimana Sistem Penguatkuasaan Automatik (AES) akan dilaksanakan setelah kepentingan syarikat penyedia perkhidmatan AES sebelum ini telah diambil alih oleh Iran Properties Sdn. Bhd.; dan
- (b) apakah bentuk perjanjian di antara Kerajaan dengan syarikat pengendali baru Sistem Penguatkuasaan Automatik (AES) dari segi kutipan bayaran dan tempoh konsesi perkhidmatan.
43. PR-1332-L68747
Puan Rubiah binti Haji Wang [Kota Samarahan] minta **MENTERI PERDAGANGAN ANTARABANGSA DAN INDUSTRI** menyatakan adakah Persidangan ASEAN 2015 yang akan berlangsung nanti mampu memberi impak positif kepada ekonomi negara.
44. PR-1332-L68701
Tuan Charles Anthony Santiago [Klang] minta **PERDANA MENTERI** menyatakan apakah strategi Kerajaan untuk menutup jurang kekayaan di antara orang kaya dan miskin. Adakah jurang kekayaan bertambah merosot di Malaysia.
45. PR-1332-L69132
Dato' Seri Tiong King Sing [Bintulu] minta **MENTERI DALAM NEGERI** menyatakan :-
- (a) adakah pihak Kementerian mempunyai pendekatan pencegahan yang lebih berkesan terhadap pengedaran dadah jenis syabu yang telah menular kepada pelajar-pelajar sekolah menengah dan perkara ini amat membimbangkan ibu bapa; dan
- (b) berapa banyak kes tangkapan yang telah dibuat oleh Jabatan Narkotik Polis Diraja Malaysia terutamanya di negeri Sarawak semenjak 5 tahun kebelakangan ini dan adakah kes-kes ini melibatkan pengedar tempatan atau warga asing bagi negeri Sarawak amnya.
46. PR-1332-L67758
Dato' Haji Zainudin bin Ismail [Jelebu] minta **MENTERI KEWANGAN** menyatakan :-
- (a) apakah benar kenaikan harga barang dan perkhidmatan selepas perlaksanaan GST kelihatan seolah-olah cukai SST tidak terhapus sebaliknya seperti ditambahkan ke atas cukai SST yang sedia ada ; dan

- (b) apakah Kerajaan bercadang megadakan langkah-langkah priemtif atau apa-apa jua tindakan yang akan diambil bagi menangani isu bebanan kos sara hidup rakyat akibat peningkatan harga barang dan perkhidmatan dan berapakah kadar inflasi selepas perlaksanaan Cukai Barang dan Perkhidmatan (GST) sehingga pada April 2015.
47. PR-1332-L68436
Puan Kasthuriraani a/p Patto [Batu Kawan] minta **PERDANA MENTERI** menyatakan sama ada jika Suruhanjaya Integriti Agensi Penguatkuasaan (EAIC) akan digantikan oleh Suruhanjaya Bebas Aduan dan Salah laku Polis (IPCMC) memandangkan Akta Hasutan dan Akta Pencegahan Keganasan telah diluluskan secara terburu di Dewan Rakyat baru-baru ini.
48. PR-1332-L68679
Tuan Mohd Rafizi bin Ramli [Pandan] minta **PERDANA MENTERI** menyatakan semua skim perumahan yang telah dan akan diusahakan oleh Felda Global Ventures (FGV) atau Felda setakat Mac 2015 dengan memperincikan jumlah unit, lokasi perumahan, harga jualan dan kontraktor dilantik bagi setiap projek perumahan.
49. PR-1332-L68351
Puan Teo Nie Ching [Kulai] minta **MENTERI SUMBER MANUSIA** menyatakan tindakan yang telah dan akan diambil terhadap pemilik saham, pengarah dan pengurus Bernama TV tersebut kerana gagal membayar gaji kepada pekerja mengikut jadual masa.
50. PR-1332-L69381
Tuan Mohamed Azmin bin Ali [Gombak] minta **MENTERI KEWANGAN** menyatakan status rancangan Jabatan Kastam Diraja Malaysia untuk mengenakan cukai GST ke atas kawasan bebas cukai di Malaysia.
51. PR-1332-L67910
Tuan Loke Siew Fook [Seremban] minta **PERDANA MENTERI** menyatakan secara terperinci daripada 1,346 buah rumah kekal baru yang dijanjikan akan dibina oleh Kerajaan Persekutuan untuk mangsa-mangsa banjir di Kelantan, berapa buah rumah yang sudah siap dibina, berapa yang sedang dibina dan berapa yang belum dibina lagi setakat ini.
52. PR-1332-L69049
Tuan Ng Wei Aik [Tanjong] minta **MENTERI PENDIDIKAN** menyatakan rancangan bagi menempatkan semula Sekolah Kebangsaan Pykett Methodist, Lebuhraya Pykett, Pulau Pinang supaya sekolah yang telah diasaskan sejak tahun 1891 dapat terus dikekalkan dan sama ada pihak Kementerian bercadang untuk memiliki tanah sekolah yang kini dimiliki swasta melalui Akta Pengambilan Tanah 1960.
53. PR-1332-L69228
Tuan Ramkarpal Singh a/l Karpal Singh [Bukit Gelugor] minta **PERDANA MENTERI** menyatakan sama ada Kerajaan berniat untuk meminda Kanun Keseksaan untuk mengiktiraf kesalahan rogol suami terhadap isteri (marital rape) dan sekiranya ya, nyatakan bila.

54. PR-1332-L69084
Tuan Abdullah Sani bin Abdul Hamid [Kuala Langat] minta **MENTERI SUMBER MANUSIA** menyatakan tindakan terhadap syarikat yang melanggar perjanjian bersama dan jumlah tindakan tersebut diambil dari tahun 2014 sehingga 1 April 2015.
55. PR-1332-L67668
Dr. Azman bin Ismail [Kuala Kedah] minta **PERDANA MENTERI** menyatakan sama ada Kerajaan ada strategi khusus untuk menggalakkan kefahaman, toleransi dan harmoni antara agama (interfaith understanding, tolerance and harmony).
56. PR-1332-L68482
Datuk Seri Noh bin Haji Omar [Tanjong Karang] minta **MENTERI TENAGA, TEKNOLOGI HIJAU DAN AIR** menyatakan apakah status terkini Projek Langat 2 dan bilakah projek tersebut dijangka akan siap.
57. PR-1332-L69276
Tuan Wan Hasan bin Mohd Ramli [Dungun] minta **PERDANA MENTERI** menyatakan langkah segera dalam menangani masalah pesara-pesara Jabatan Telekom Malaysia, Lembaga Letrik Negara dan Jabatan Pos Malaysia yang menerima pencen rendah dalam menghadapi kos sara hidup yang tinggi serta kesan pelaksanaan GST.
58. PR-1332-L69436
Dato' Haji Mahfuz bin Omar [Pokok Sena] minta **MENTERI KEWANGAN** menyatakan :-
- (a) berapakah jumlah projek yang dilaksanakan oleh Syarikat Pembinaan BLT Sdn. Bhd. dan jumlah kos projek-projek yang dilaksanakan serta beri pecahan-pecahan mengikut projek yang dilaksanakan dan jumlah keseluruhan; dan
 - (b) nyatakan syarikat-syarikat yang berjaya memperoleh kontrak kerja daripada syarikat pembinaan BLT Sdn. Bhd. serta berapakah jumlah hutang syarikat hingga kini dan senaraikan institusi kewangan yang membiayai hutang tersebut.
59. PR-1332-L67715
Datuk Dr. Makin @ Marcus Mojigoh [Putatan] minta **MENTERI PERTAHANAN** menyatakan :-
- (a) berapa ramaiakah rekrut Angkatan Tentera Malaysia sejak tahun 2000 dan pecahan rekrut mengikut Negeri; dan
 - (b) jumlah Anggota Lain-Lain Pangkat (LLP) yang menamatkan perkhidmatan sebelum mencapai perkhidmatan ke 21 tahun serta jumlah bayaran yang dibayar kepada mereka ini.

60. PR-1332-L69336
Ust. Datuk Dr. Mohd. Khairuddin bin Aman Razali [Kuala Nerus] minta **MENTERI SUMBER MANUSIA** menyatakan statistik kadar pengangguran di Terengganu dan bagaimana Kerajaan Persekutuan membantu Kerajaan Negeri Terengganu dalam penyediaan peluang pekerjaan.
61. PR-1332-L68483
Tuan Gobind Singh Deo [Puchong] minta **MENTERI DALAM NEGERI** menyatakan jumlah orang yang telah ditangkap dan dipertuduh untuk kesalahan di bawah Akta Hasutan sejak 2010. Sekiranya dituduh, nyatakan bilangan yang disabitkan serta hukuman dan bilangan yang dibebaskan.
62. PR-1332-L68205
Dato' Abd. Aziz bin Haji Sheikh Fadzir [Kulim Bandar Baharu] minta **MENTERI KEWANGAN** menyatakan bilakah Kementerian Kewangan mengambil alih syarikat SRC International Sdn. Bhd. daripada 1MDB dan berapakah nilai dibayar untuk tujuan itu dan berapakah jumlah hutang ditanggung SRC International Sdn. Bhd. sehingga kini.
63. PR-1332-L68076
Tuan Jeff Ooi Chuan Aun [Jelutong] minta **MENTERI KOMUNIKASI DAN MULTIMEDIA** menyatakan kenapa ratusan lesen NFP dan NSP telah dikeluarkan oleh SKMM semenjak 1998 tetapi banyak yang didapati langsung tidak beroperasi, serta banyak juga lesen tersebut telah dibatalkan menurut perintah.
64. PR-1332-L67658
Laksamana Pertama Mohamad Imran bin Abd Hamid (B) [Lumut] minta **MENTERI PERTAHANAN** menyatakan penyelarasan segera pencen bekas tentera yang bersara seperti berikut:-
- (a) bersara pada atau sebelum Tahun 2000 dinaikkan 20% dan bersara pada atau sebelum Tahun 2005 dinaikkan 15%; dan
 - (b) bersara pada atau sebelum Tahun 2010 dinaikkan 10% dan tiada perubahan yang bersara selepas 2010.
65. PR-1332-L69133
Tuan Liew Chin Tong [Kluang] minta **MENTERI KESIHATAN** menyatakan status terkini Rang Undang-undang Air Minuman Yang Selamat (Safe Drinking Water Act). Adakah Menteri bercadang untuk membuat public consultation dan memberi taklimat kepada Ahli Parlimen terhadap Rang Undang-undang tersebut.
66. PR-1332-L68180
Tuan Nga Kor Ming [Taiping] minta **PERDANA MENTERI** menyatakan :-
- (a) berapakah jumlah peruntukan Kerajaan yang diperuntukkan kepada program PERMATA sejak ianya mula dilancarkan dan setakat ini apakah pencapaiannya; dan

- (b) apakah peranan yang dipikul oleh Yang Amat Berbahagia Datin Seri Rosmah Mansor dalam program PERMATA ini.
67. PR-1332-L68248
Tuan Sim Tze Tzin [Bayan Baru] minta **PERDANA MENTERI** menyatakan bagaimana SPR melaksanakan persempadanan yang seimbang dalam proses persempadanan semula Sarawak berlandaskan (comply) dengan syor-syor fasal 20 laporan PSC Penambahbaikan Pilihan Raya. Nyatakan bagaimana kawasan DUN baru mematuhi (comply) dengan syor tersebut.
68. PR-1332-L68641
Tuan Su Keong Siong [Ipoh Timor] minta **MENTERI DALAM NEGERI** menyatakan siasatan dan tindakan yang diambil terhadap orang-orang yang membantah dan memaksa Gereja di Taman Medan untuk menurunkan Salib secara paksaan.
69. PR-1332-L67685
Tuan M. Kulasegaran [Ipoh Barat] minta **MENTERI LUAR NEGERI** menyatakan apakah tindakan dan pendirian Kerajaan memandangkan Setiausaha Agung PBB, Ban Ki Moon telah memaklumkan kepada Majlis Keselamatan mengenai kes-kes seperti keganasan seksual yang berterusan, penculikan, penahanan sewenang-wenangnya, penyeksaan dan keganasan seksual lain-lain yang melampau terhadap kaum Tamil di Sri Lanka.
70. PR-1332-L68817
Tuan Tony Pua Kiam Wee [Petaling Jaya Utara] minta **MENTERI KEWANGAN** menyatakan apakah sebab Menteri enggan memberikan pecahan fi Goldman Sachs dan diskaun bon kepada pelabur untuk terbitan bon-bon bernilai US\$3 bilion, US\$1.75 bilion dan US\$1.75 bilion untuk 1MDB Global Investment, 1MDB Energy dan 1MDB Energy (Langat) seperti yang diminta pada sesi lalu.
71. PR-1332-L68854
Datuk Wira Haji Ahmad bin Hamzah [Jasin] minta **MENTERI PENGANGKUTAN** menyatakan :-
- (a) sebab-sebab AirAsia tidak memberi keutamaan dan penghormatan kepada Bahasa Malaysia semasa membuat pengumuman di dalam penerbangan (domestik & antarabangsa); dan
- (b) adakah pihak berkuasa Malaysia seperti Kementerian Pengangkutan/Jabatan Penerbangan Awam dan DBP tidak menegaskan panduan/arahan seperti ini.

72. PR-1332-L68411
Tuan Lim Guan Eng [Bagan] minta **MENTERI PENGANGKUTAN** menyatakan perkembangan secara terperinci proposal cadangan pembesaran Lapangan Terbang Antarabangsa Pulau Pinang (LTAPP). Adakah perancangan Kerajaan negeri untuk menyediakan tanah bagi projek berkaitan di bahagian selatan LTAPP diterima. Juga jelaskan adakah projek Lapangan Terbang Kulim akan diteruskan, nyatakan dengan terperinci termasuk tempoh dan kosnya.
73. PR-1332-L67555
Datuk Madius Tangau [Tuaran] minta **MENTERI LUAR NEGERI** menyatakan apakah jenis kerjasama di antara Malaysia dan Filipina dalam menangani isu pendatang asing tanpa izin di Sabah, termasuklah perkembangan terkini kepada hasrat negara jiran mewujudkan konsulat di Sabah.
74. PR-1332-L67830
Dato' Haji Mohd Zaim bin Abu Hasan [Parit] minta **MENTERI SUMBER MANUSIA** menyatakan adakah kadar gaji minimum yang diguna pakai sekarang masih lagi relevan dengan kos sara hidup yang dihadapi oleh sebilangan besar pekerja berpendapatan rendah terutamanya setelah penguatkuasaan GST.
75. PR-1332-L68890
Tuan Fong Kui Lun [Bukit Bintang] minta **PERDANA MENTERI** menyatakan apakah pandangan dan tindakan Kerajaan ke atas aduan ramai pihak berhubung tindakan JAKIM mengetatkan kelulusan acara hiburan yang memberi impak ke atas industri pelancongan.
76. PR-1332-L68168
Dato' Ir. Haji Nawawi bin Ahmad [Langkawi] minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan Langkawi mendapat bekalan makanan dan penggunaan utama dari tanah besar dengan tambahan kos pengangkutan kargo. Apakah Kementerian mempunyai perancangan untuk memberi subsidi kos pengangkutan ini seperti yang dilaksanakan di negeri Sabah dan Sarawak.
77. PR-1332-L68715
Tuan Lim Lip Eng [Segambut] minta **PERDANA MENTERI** menyatakan sama ada patut jika sebuah suruhanjaya yang bebas ditubuhkan untuk menjalankan kajian serta menasihati Parlimen sebelum sebarang rang undang-undang baru atau pindaan dibentangkan di Parlimen dan mengapa janji Kerajaan untuk memansuhkan Akta Hasutan 1948 tidak ditepati.
78. PR-1332-L67568
Datuk Nur Jazlan bin Mohamed [Pulau] minta **MENTERI KEWANGAN** menyatakan status pelaksanaan Sistem Perakaunan Akruan yang ditangguhkan pelaksanaannya pada 1 Januari 2015 dan bilakah tarikh baru pelaksanaan sistem berkenaan.

79. PR-1332-L67947
Tuan Haji Ahmad Nazlan bin Idris [Jerantut] minta **PERDANA MENTERI** menyatakan apakah langkah-langkah yang telah diambil dalam memastikan pegawai-pegawai Kerajaan melaksanakan arahan Kerajaan untuk kesejahteraan rakyat dan apakah bentuk tindakan terhadap mereka yang telah menyalahi arahan tersebut.
80. PR-1332-L68181
Tan Sri Datuk Seri Panglima Annuar bin Musa [Ketereh] minta **MENTERI KERJA RAYA** menyatakan bilakah Kerajaan akan melengkapkan pembinaan Lebuhraya Pantai Timur dengan menyambunganya ke Kelantan sehingga sampai ke Sempadan Thailand seperti yang dibuat di Pantai Barat.
81. PR-1332-L68587
Puan Nurul Izzah binti Anwar [Lembah Pantai] minta **MENTERI PENGANGKUTAN** menyatakan :-
- (a) justifikasi Suruhanjaya Penerbangan perlu melaporkan secara langsung kepada Perdana Menteri dan bukannya Menteri Pengangkutan ; dan
 - (b) adakah laporan-laporan yang dikeluarkan oleh suruhanjaya ini akan dibentangkan ke Parlimen.
82. PR-1332-L68782
Tuan Gooi Hsiao-Leung [Alor Setar] minta **MENTERI LUAR NEGERI** menyatakan bagaimana Malaysia sebagai pengerusi ASEAN, akan mempromosikan dan penegakan hak asasi manusia di rantau Asia Tenggara.
83. PR-1332-L68951
Tuan R. Sivarasa [Subang] minta **PERDANA MENTERI** menyatakan sama ada Peguam Negara Tan Sri Gani Patail ada hadir dan mengambil bahagian dalam mesyuarat Lembaga Pengampunan Bagi Wilayah-Wilayah Persekutuan Kuala Lumpur, Labuan dan Putrajaya pada 16 Mac 2015.
84. PR-1332-L68455
Tuan Lim Kit Siang [Gelang Patah] minta **MENTERI LUAR NEGERI** menyatakan pendirian dan bantuan Malaysia terhadap masyarakat pelarian Syria akibat perang saudara yang melanda Syria sejak tahun 2011.

ATURAN URUSAN MESYUARAT DAN USUL-USUL

1. Usul dibuat oleh Perdana Menteri dan masalah dicadangkan :-

“Bahawa Dewan ini,

menyedari akan cabaran pertumbuhan ekonomi serta pencapaian sosioekonomi semasa pelaksanaan Rancangan Malaysia Kesepuluh;

merestui usaha Kerajaan untuk meneruskan Dasar Transformasi Nasional atau DTN dalam merangka dan merencana Rancangan Malaysia Ke-11 seterusnya;

meluluskan pelaksanaannya bertunjangkan falsafah Dasar Transformasi Nasional dalam ikhtiar menjadi sebuah negara maju pada tahun 2020, menurut Kertas Perintah 23 Tahun 2015; dan

Bahawa dalam meluluskan Rancangan Malaysia Ke-11, Dewan yang mulia ini menyeru agar semua pihak bersama-sama dan berusaha menjayakan matlamatnya.”

Menyambung semua Perbahasan atas masalah [8 Jun, 2015]

- | | | | |
|----|----------------|--|-------------------------------|
| 2. | (D.R. 18/2015) | Rang Undang-undang Antipemerdagangan Orang dan Antipenyeludupan Migran (Pindaan) 2015- Menyambung semula Perbahasan atas masalah, “Bahawa Rang Undang-undang ini dibacakan kali yang kedua sekarang” (20 Mei, 2015) | |
| | | [Menteri Dalam Negeri] | |
| 3. | (D.R. 19/2015) | Rang Undang-undang Kebajikan Haiwan 2015 | Bacaan Kali Yang Kedua |
| | | [Menteri Pertanian dan Industri Asas Tani] | |
| 4. | (D.R. 20/2015) | Rang Undang-undang Institusi Kewangan Pembangunan (Pindaan) 2015 | “ |
| | | [Menteri Kewangan] | |

5. (D.R. 9/2015) Rang Undang-undang Kanun Tatacara Jenayah (Pindaan) 2015 “

[Menteri Dalam Negeri]

6. (D.R. 12/2015) Rang Undang-undang Keterangan (Pindaan) 2015 “

[Menteri di Jabatan Perdana Menteri]

7. (D.R. 24/2014) Rang Undang-undang Dadah Berbahaya (Pindaan) (No.2) 2014 “

[Menteri Kesihatan]

8. PR-1332-U67740
Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, terdapat rungutan-rungutan di kalangan rakyat Negeri Sabah dalam beberapa isu yang mereka fikirkan bahawa hak mereka, seperti yang dijanjikan dan terkandung dalam Perjanjian Malaysia 1963 telah dicabuli atau tidak diendahkan. Dan mengambil maklum juga, antara isu utama yang disuarakan dalam rungutan ini adalah banjir pendatang asing ke Negeri Sabah dan ditambah buruk pula dengan pemberian status warganegara kepada mereka ini. Dan mengambil maklum juga bahawa, Para Pilihan raya Umum Ke-13, Kerajaan Malaysia telah menubuhkan Suruhanjaya Siasatan Diraja mengenai dengan pemberian Kewarganegaraan kepada pendatang asing tanpa izin di Negeri Sabah. Dan mengambil maklum juga bahawa, Laporan Suruhanjaya Siasatan Diraja ini telah pun dibentangkan ke Parlimen tetapi sehingga kini rakyat masih tertanya-tanya apakah tindakan yang telah diambil ke atas hasil siasatan suruhanjaya ini. Dalam hal ini, Kerajaan hendaklah memandang serius akan kesan dan implikasi ketidakpuasan hati rakyat negeri Sabah dalam hal ini. MAKA, bagi menangani masalah ini, Dewan ini hendaklah mengambil ketetapan bahawa, Kerajaan hendaklah segera mengambil tindakan tegas ke atas mereka yang didapati bersalah dalam isu ini serta mengambil tindakan yang wajar bagi memulihkan kepercayaan rakyat Negeri Sabah kepada kesungguhan Kerajaan Persekutuan untuk mempertahankan kedaulatan negara termasuklah mengeluarkan kad pengenalan baru bagi penduduk negeri Sabah yang tulen."

[Menteri Dalam Negeri]

9. PR-1332-U67741

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, kepadatan penduduk dan jumlah kenderaan yang keluar masuk ke kawasan Bandaraya Kota Kinabalu telah meningkat secara mendadak sekali. Dan mengambil maklum juga, kesesakan jalan raya ke Bandaraya Kota Kinabalu telah menjadi serius sehingga menjadi rungutan bukan sahaja penduduk setempat malah juga dari kalangan pelancong dalam dan luar negara.

Dan mengambil maklum juga bahawa, seperti bandar-bandar lain yang telah membangun, Bandaraya Kota Kinabalu juga memerlukan satu Sistem Pengangkutan Awam yang efisien, seperti Sistem Aliran Ringan atau Light Rail Transit (LRT) bagi mengatasi masalah di atas. Maka, bagi menangani masalah ini, Dewan yang mulia ini hendaklah mengambil ketetapan bahawa satu system aliran ringan atau light rail transit hendaklah dibina melalui kaedah private finance initiate bagi menghubungkan Bandaraya Kota Kinabalu dengan kawasan sekitarnya."

[Perdana Menteri]

10. PR-1332-U69065

Tuan Ng Wei Aik [Tanjong] akan mencadangkan:-

"Bahawa Dewan ini mengambil ketetapan bahawa segala siasatan dan pendakwaan di bawah Akta Hasutan 1948 terhadap wakil-wakil rakyat, termasuk juga pemimpin-pemimpin parti politik perlu diberhentikan atau digugurkan dengan serta-merta selaras dengan prinsip-prinsip demokrasi yang melindungi kebebasan berucap seseorang rakyat selagi ucapannya tidak menyentuh empat perkara iaitu Institusi Raja, Artikel 152 dan 153 Perlembagaan Persekutuan berkenaan dengan Bahasa Kebangsaan dan hak-hak istimewa Melayu dan hak-hak kerakyatan."

[Menteri Dalam Negeri]

11. PR-1332-U67694

Tuan M. Kulasegaran [Ipoh Barat] akan mencadangkan:-

"Bahawa Dewan ini mengambil maklum bahawa banjir telah melanda di beberapa negeri pada baru-baru ini, di mana harta benda rakyat telah dimusnahkan dan banyak nyawa telah terkorban. Dalam keadaan ini Dewan ini mengarah Perdana Menteri supaya mengambil strategi jangka masa panjang untuk mengatasi masalah ini dengan segera."

[Perdana Menteri]

12. PR-1332-U68783

Dr. Tan Seng Giaw [Kepong] akan mencadangkan:-

"Bahawa Dewan ini membahaskan faktor-faktor yang menyebabkan gerakan militan di Malaysia."

[Menteri Dalam Negeri]

13. PR-1332-U68787

Dr. Tan Seng Giaw [Kepong] akan mencadangkan:-

"Bahawa Dewan ini mendebatkan langkah-langkah untuk mengatasi pelbagai masalah disebabkan pelaksanaan GST."

[Menteri Kewangan]

14. PR-1332-U69257

Dato' Kamarudin bin Jaffar [Tumpat] akan mencadangkan:-

"Menyedari Bahawa masih terdapat lebih kurang 3,000 orang kakitangan kerajaan yang bergaji di bawah RM850.00 sebulan. Justeru itu Kerajaan diminta untuk menaikkan gaji kakitangan tersebut ke paras melebihi gaji minima negara."

[Perdana Menteri]

15. PR-1332-U69487

Dato' Kamarudin bin Jaffar [Tumpat] akan mencadangkan:-

"Memandangkan satu bencana banjir yang amat luar biasa telah berlaku pada bulan Disember 2014 di Kelantan yang mengakibatkan kerosakan harta benda yang besar dan memusnahkan sekitar 2000 buah rumah kediaman; Memandangkan bahawa bencana alam adalah tanggungjawab Kerajaan Pusat; dan Memandangkan bulan Ramadhan akan bermula pada 18 Jun 2015, maka Dewan ini mempertimbangkan dengan segera untuk memastikan Kerajaan Pusat dengan kerjasama Kerajaan Kelantan menyiapkan pembinaan rumah-rumah mangsa banjir ini disiapkan sebelum 18 Jun 2015."

[Perdana Menteri]

16. PR-1332-U67593

Dato' Johari bin Abdul [Sungai Petani] akan mencadangkan:-

"Bahawa Dewan ini mengambil maklum, terdapat ketidak cekapan Kementerian Pendidikan dalam mengurus asetnya di mana puluhan unit kuarters di Taman Semarak, Sg Petani ditinggal terbiar, tidak didiami dan telah menjadi sarang penagih dadah.

Jika aset ini tidak diselamatkan ianya akan membawa kerugian kepada Kerajaan dan maruah Kementerian akan tercemar. Tindakan serta merta mesti diambil untuk menyelamatkan aset-aset ini."

[Menteri Pendidikan]

17. PR-1332-U67594

Dato' Johari bin Abdul [Sungai Petani] akan mencadangkan:-

"Bahawa Dewan ini mengambil maklum, kebolehan berbahasa Inggeris dikalangan pegawai-pegawai Kumpulan A, Perkhidmatan Awam Malaysia makin menurun. Pihak Kerajaan mestilah mengambil tindakan drastik bagi memperbaiki keadaan dengan memberikan kursus-kursus intensif kepada mereka. Kerajaan juga mesti memasti Pegawai-pegawai Kumpulan A melalui kursus wajib Bahasa Inggeris yang mesti di adakan di INTAN atau mana-mana institusi pengajian tinggi."

[Perdana Menteri]

18. PR-1332-U67595

Dato' Johari bin Abdul [Sungai Petani] akan mencadangkan:-

"Bahawa Dewan ini mengambil maklum, terdapat masalah yang dihadapi oleh pengguna kenderaan bagi mendapatkan lesen memandu bila mereka gagal dalam ujian berkomputer. Kerajaan harus mengkaji semula adakah syarat wajib lulus ujian berkomputer ini masih sesuai dan relevan memandangkan kos yang makin meningkat semasa mengambil ujian ini dan walau pun lulus ujian berkomputer kemalangan jalan raya masih tidak berkurangan."

[Menteri Pengangkutan]

19. PR-1332-U69440

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mempertimbangkan cadangan untuk menghalang dan mengharamkan penjualan arak murah (cheap liquor) secara mudah dan murah yang semakin berleluasa. Gejala pengambilan arak murah ini menimbulkan pelbagai masalah sosial seperti keganasan rumah tangga dan gengsterisme serta merosakkan organ dalaman. Di samping itu, kawalan dan penyeliaan terhadap kedai-kedai menjual arak perlu diketatkan. Masa penjualan arak dan lokasi minum arak perlu dikaji. Kawasan tempat awam seperti di taman awam dan taman permainan kanak-kanak, minum arak wajib diharamkan. Dewan ini juga wajib mempertimbangkan penubuhan Pusat Pemulihan Arak (PPA) di setiap negeri di Malaysia untuk membendung masalah minum arak yang semakin berleluasa di kalangan anak muda merentasi sempadan bangsa dan agama."

[Menteri Kesejahteraan Bandar, Perumahan dan Kerajaan Tempatan]

20. PR-1332-U69441

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mempertimbangkan cadangan untuk kes kematian di bawah tahanan Polis DiRaja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan".

[Menteri Dalam Negeri]

21. PR-1332-U69442

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah untuk menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia."

[Menteri Pendidikan]

UCAPAN-UCAPAN PENANGGUHAN

Tarikh Ucapan	Ahli Yang Berucap	Tajuk Ucapan	Menteri Yang Bertanggungjawab
1. 9.6.2015 (Selasa)	1. YB. Tuan Ng Wei Aik (Tanjong)	1. Isu Kelulusan Bomba Terhadap Pelan-pelan Bangunan Bagi Projek Kediaman Yang Melebihi Ketinggian 18 Meter di Pulau Pinang.	1. YB Menteri Kesejahteraan Bandar, Perumahan dan Kerajaan Tempatan
2. 9.6.2015 (Selasa)	2. YB. Tuan M Kulasegaran (Ipoh Barat)	2. Satu Keputusan munasabah diperlukan dari Kementerian Wilayah Persekutuan.	2. YB Menteri Wilayah Persekutuan